


www.BibleForChildren.org

Matiu 26



Paina Yamaseni
Baripewa manamui
wandin wam nani
yamunaet yamu daiton
namumup wandeni, Iesu
at Betani tauen, ame apan
Lasiros wandini arewa,
me namu boen Iesu
wat inakameni apanewa.



Boge Meri oma
da osewa pokarik
gapan enane, ame
ware tauen, me
tutua aigap iragen
amba garewa mega
baita da uon. Me ware
Iesu pusip wa damage
amba i gume tau vitane
ame gapan sia mut darakamen.
Amba oma ose ame tutua pa
ame gwanewa iragi bararaen.



Amba wadiamot mega aonagaet pusinawan dere da
yaua Diudes Iskeriot. Me pirisi bawarewa inamup
Iesu omine wapen menan aen.

Tauenimu aton anun moni
garewa wanapen wa agiasen.

Wam ap gapan Diudes
arok da ware Iesu
yan tapen menan
amase taiwandin.




Iesu wadiamoni gapan mu barip
ame napen menan tata kakayat
tane. Taba naiwanumune gapan,
Iesu taba buredi semua ware God
inap gaun wa, wa paise wa ewamot
mega mune, amba anega wan,
"Tambun nan. Mame etunawa."
Sip ware, God inap gaun wani
mune anega wan, "E iragi
mame gapan at
nugut tan."




"Kaum wain mame deninawa. God e waenapan mega, ne deninagan agi ewakewa wa agiat imaeta. Bonigasepena denip mame tau visepi gapan waenapan aruga koewa muga wat museta."



Iesu anega wan, "Saimon, Saimon, nop ma anu. Tavewa ge otarewa pemagine mini e koewa kakaewa yan seapen amba ta koeragam imaepen menan Seitan e iraya yawapen men God inap singui wayaven. Go Saimon, ge anu tumat kin kin anuiana ame aoma ya vitapen menan God inap genan mup waingin. Iwa koewa gega tawa amba nenan sia ongewa ameme gatawan tatak gwanik wat kaimagam mumapen taingan."



Pita gare anega wan, "Ayop negawa, ge gwat noke agewa o bop menan agewa, ne den angepen menan amat tan di wanigain." Wani go Iesu gare wadien, "Pita, ne wapena anu. Endi wam koni yampoa gapan ge waboboranegai amba kumkum nop wata."



Amba Iesu wa ewamot
mega den at yaua at
Getsemani amon, amba
me anega diamon, "Ne
asirantu angep God inap
mup wapena e mapa ae
wanien."



Ap anega wani
amba asirantu aen,
amba me gine namu
pia ae to kutnage mup
anega wan, "Maman,
ge aro dim dim tat
anuana di tai, menan
ge men anu gurawa, ugu
vegaek anupena ao
waseanek, go mame ne
anut negawa uon go gek
anuiana gapan di ta."



Ap menan Diudes, Rom ita nagire ge God Paewa amase taine nagirewa, koniwa da wat nugutan iragi tanam egaga ap mepe tauane. Mu pirisi ge Parisi aritawa yonanewa watu enamon. Mu dun iran ita gaut muga tambun tauan.

Boge Iesu watu enamot da yone pirisi ayop mugawa ago megawa darinewa nutup to kuasen. To kuaseni menan Iesu watu enamot megawa anega diamon, "Anan ae vean, mame da sia ya tane!" Amba Iesu apan ame darinewa wat enasen, kakae tan.




Ap mepe boge ita nagirewa Iesu to waran amba pirisi
aritawa mugawa pa mega nau amone. Pita kara karaua
ewamup wandap oniwandin.

Pirisi aritawa mugawa
pa mega sinewa gwanap
arok da gapan ita
nagirewa irot menan
oma watu tugun
iragi ap mepe
enpanan wanumon,
amba Pita taue
ap mepe den
tanam wänden.



Pirisi aritawa ame
nao mega tainewa da,
dugup mega daitonawa
apanewa gata Pita
darine to kuaseniwa,
ma taue Pita wayaven,
"Ae, ge apan gata Iesu d
en egaga yawagenawa?"
Sia Pita waboboren, me
ap wani no utap kumkum
nop wan. Anuni boge garip
tau ae irip koevet wan.




Wam ame gapan, kansoro
nagirewa yonan, Iesu waran,
Rom ayop mugawa apan yaua
Pailat ine wat nau amon.
Menan apan Pailat Iesu
singui wayaven, "Ge Diu
nagirewa Ayop mugawa
go?" Iesu gare wan, "E,
ge ap me di waiagi."



Go Pailat Iesu veset tau aet
anuni menan waenapan aigap
aigap diamo wan. Go waenapan
senao wa ge wa di taiwanumun,
anega waiwanumun,
"Oma korosi gapan
togurane boep!
Togurane boep!"




Pailat uiwa gapan Iesu ware munen
amo to endawapen menan. Ap menan
ita nagirewa Iesu waran amat tane.
Mu Iesu nanamasene oma korosi wat
aen. Boge Iesu nau amon at yaua
Apan I Kaime Arewa tauan (Iburu
nop muga gapan Golugata diane).



Ap mepe mu korosi gapan tobatamen
endawan, apan dere den guramon
yamu yamu dawamon amba
Iesu yaumakamup.



Wam ianupe wariwandini gapan, piup ame iravi mum
tatarin tunu sisip taue ae wanden aeni amba wam
airase yampoa waren. Iwa wam ganasewa uon tan.
Amba Ierusalem God Paewa gwanap
wanup nononga antapenanewa
ame yaumakap bebep wa ase
ma wanden. Ame boge Iesu
wawa sisi kaimakaet ta
anega wan, "Maman, ne
guana nanik gwanap ae
bariangin." Wani boge
gaup mega uiwa use
puk wa tau aen
boge boen.



Wam ame mum gine, apan Diosep
at Arimatia apanewa me Diu
nagire kansoro muga da ame
taue kansoro upine inap
ayamat tainewa. God
toemu mega amunewa
inamup tauapen
menan den amat
taiwandin.

Me epara ta
apan Pailat ine
ae Iesu etua
menan mup wan.



Diosep wanup kakae ewake da nononga
pepeku une tani gapan etua wa
totnak wat vise wanup gapan
viri viri ware amba dagup
da gwat gapan kaitane
baraen. Baraeni
pepeta baware da
wabaim onamon
tonan toboran.



Inane woup sen, ame Diu
wagat wamewa gapan,
pirisi bawarewa amba
Parisi nagire den,
ayop Pailat ine tauan
anega wan, . . .



... "Ayop nugawa, wataget nop tave
uoni waiwandini apanewa kabani
wandeni me anega wan,
'Bonigasepena wam
yampo ewap inak
nigat sia yon
waingain."



"Anega diamon amon, dagup tonanewa
agim tainamua inamat
batamen iwa Iesu etua
up tapi ame inamat tak
wapi irewa gapan
yawapen menan tane.
Amba ita nagirewa
tonan kwayupewa
ap mepe semone."



Diu pura muga bawarewa
wamewa uon tani ewap, woup
seni mumaget iragen Meri
Makdalin ge Meri
dawa den dagup
yawapen amon.



Ap mepe piup menao manao
baware tan iwa Ayop anea
mega kimani vise taue
amba dagup unum amuine
tonanewa gwat
wabaim ae barae
amba gagap
ae wande en.

Ita nagirewa
tonan kwayup
taiwanumune
yawane tawa tan
bop umap
geamone.




Anea waen anega wadiamon,
"Tap ya tane. Ne asik tan e
Iesu yawapen tauayan, me
oma korosi gapan to
endawanewa. Me mapa
ya wandia. Me wani
omewa tauen menan
me gaset inakae
yon wanden.



Onaen me baraene
arewa yawan."




Ap menan waen ikananam tan dagupa
tauan tanini den go potamu aton
bararaen, amba serarat wa ewamot
mega wadiamopen amon. Ap
amone gapan mu Iesu tautanane
amba me anega wan, "Baigan
inayap wandep." Waen ine
tauan me airanip warane



amba wa taragasene.





Iesu uiwa megawa, apan mega aonagaet pusinawan daiton taba naiwanumune nimakamup ase venasen. Bop gapan sia yon wandeni waenapan da da yawane amba wadiamot mega wadiamone go imumu gware wan amba anu tumat ya tane menan Iesu upe diguguramon. Ayop Iesu nop mame wadiamon uon tani ewap God aro mega gapan kiman dot ae God mainewa nutup gapan ae wanden.



Iwa God piup nagirewa munan bumaga
tantan anu gureni menan otua daiton
iragena nunen. Ap menan da da God
otua anu tumasepiwa guamu
ya wakaumain go inak
yaibobot warain.



Rom 3:23

Nu iragi koerage taintoni menan God kakaewa mega
tat dianeni nu ya taivin.

Rom 6:23

Koewa taitoni garewa ame bop di go God yan garaet
mega ame inak yaibobot iwa ayop nuga Iesu
Keriso den wainitoni menan.

Iburu 9:27

Nu piup nagirewa iragi wam da da borit wait
amba God wanene taneta.

Epesas 2:8,9

Go ne endi wainginawa ame e ek inak ewakewa ya
warayan go God yan mega garaetawa eneni gapan
inak warayan, iwa anu tumat ega taiana ap
menan God yan mega ame eneniwa.



Mame e ek dim da da tayana gapan warat wan menan
orup da oyok oyok ya ta waiwandan.

Rom 10:9,10

Menan e noya gapan, anega wanewa, "Iesu me Ayop
nugawa," amba e imuya gapan anu tumat den anega
wanewa, "God wani gapan Iesu Keriso sia inakae yon
wanden," ap gapan God wat inakam imaeta.

Menan bumaganu makewa gapan God anu tumasinanta,
gare me nu kakaewa nagirewa dianeta. Amba nonu gapan
anega wata, "Iesu me nu Ayop nugawa di,"
ap gapan nu wat inakam nimaneta.

Dion 3:16,17

Iwa God piup nagirewa munan bumaga tantan anu gureni
menan otua daiton iragena nunen. Ap menan da da
God otua anu tumasepiwa guamu ya wakaumain
go inak yaibobot warain.



God otua watu enen piup ma taueni tavewa waenapan
wanene tamopen menan ya tauen, go me gamup waenapan
inak warapen menan tauen.

1 Dion 5:11-13

Amba God otua Iesu oisewa ame manega wan, God
yaibobot inagewa nunen, amba inak yaibobot mame otua
Iesu Keriso gamup wandia. Ap menan orup da da Iesu
bumagamup warepiwa, mu yaibobot inagewa mame warain.
Go orup da da God otua Iesu bumagamup warepiwa, ame
yaibobot inagewa ya warain. Endi ne wan dim dim ma
ogewa sean wadidiaingina ame e da da God otua Iesu
gamup anu tumasenewa gapan yaibobot inagewa di warai.



Matiu 26-28; Luk 22-24; Dion 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Daga Bible (dgz) © 2013, Wycliffe Bible Translators,
Inc. All rights reserved.

<https://live.bible.is/bible/DGZWBT/MAT/1>

©2024 Bible for Children, Inc.

www.M1914.org

www.bibleforchildren.org

